



2020 йил "18" *Март*

№ *1181а*

Богот шаҳарчаси

Туман ҳудудида содир бўлиши мумкин бўлган табиий ва техноген тусдаги фавқулодда вазиятларни, катта ва мураккаб ёнгинларни ҳамда уларнинг оқибатларини бартараф этишга куч ва воситаларни жалб қилиш тўғрисида

Ўзбекистон Республикасининг 2009 йил 30 сентябрдаги ЎРҚ-226-сонли "Ёнгин хавфсизлиги тўғрисида"ги қонуни ва "Фавқулодда вазиятлар тузилмаларининг фаолиятини янада такомиллаштириш бўйича ташкилий чора-тадбирлар тўғрисида"ги ПҚ-4276-сонли қарорига мувофиқ туман ҳудудида содир бўлиши мумкин бўлган табиий ва техноген тусдаги фавқулодда вазиятлар, катта ва мураккаб ёнгинларни, уларнинг оқибатларини тезкорлик билан бартараф этиш учун куч ва воситаларни жалб қилиш юзасидан вилоят ҳокимининг 2020 йил 15 майдаги 187к-сонли қарорига ҳамда Ўзбекистон Республикаси "Маҳаллий давлат ҳокимияти тўғрисида"ги қонунининг 6, 25-моддаларига асосан

Қарор қиламан:

1. Туман ҳудудида содир бўлиши мумкин бўлган табиий ва техноген тусдаги фавқулодда вазиятлар, катта ва мураккаб ёнгинларда уларнинг оқибатларини бартараф этиш учун жалб қилинадиган куч ва воситалар рўйхати 1-иловага мувофиқ тасдиқлансин.

2. Вилоят ҳокимининг 2020 йил 15 майдаги 187к-сонли қарори билан:

- Вилоят фавқулодда вазиятлар бошқармаси (Р.Урманов) Хоразм ва Бухоро вилоятлари ҳамда Қорақалпоғистон Республикаси ҳудудларида содир бўлиши мумкин бўлган табиий ва техноген тусдаги фавқулодда вазиятлар, катта ва мураккаб ёнгинларни ҳамда уларнинг оқибатларини бартараф этишда куч ва воситаларини вилоятлараро ҳамкорликда жалб қилиш режаси ишлаб чиқирилишини таъминлаши маълумот ва ижро учун қабул қилинсин.

3. Туман фавқулодда вазиятлар бўлими, туман ички ишлар бўлими ва туман ҳокимлиги, туман ҳудудида жойлашган мулкчилик шаклидан қатъий назар барча корхоналар, муассасалар ҳамда ташкилотлар режанинг бажарилишини таъминласинлар.

4. Туман ҳокимининг 2010 йил 15 февралдаги "Ёнгинларни ўчириш учун ёнгиндан сақлаш хизмати бўлинмаларининг кучлари ва воситаларини жалб қилиш ҳақида"ги 96к-сонли ҳамда 2019 йил 25 февралдаги "Туман ҳудудида содир бўладиган фалокатлар ва табиий офатларни бартараф қилиш ҳамда катта ва мураккаб ёнгинларни ўчиришда куч ва воситаларни жалб қилиш тўғрисида"ги 906к-сонли қарорлари ўз кучини йўқотган деб ҳисоблансин.

5. Мазкур қарорнинг бажарилишини назорат қилиш туман ҳокимининг молия-иқтисодиёт ва қамбағалликни қисқартириш масалалари бўйича биринчи ўринбосари - туман иқтисодий тараққиёт ва қамбағалликни қисқартириш бўлими бошлиғи С.Қурбонов ва туман фавқулодда вазиятлар бўлими бўлими бошлиғи И.Бабаджанов зиммасига юклансин.

Туман ҳокими



О.Холбоев